



অবিলম্বে প্রকাশের উদ্দেশ্যে: 4/15/2025

গভর্নর ক্যাথি হোকল

গভর্নর হোকল স্টেটের সবচেয়ে কঠিন পরিষেবাযোগ্য এলাকায় ব্রডব্যান্ড আনার জন্য  
CONNECTALL অনুরোধ ঘোষণা করেছেন

*প্রত্যেক নিউ ইয়র্কবাসীকে পরিষেবা প্রদানের জন্য 644 মিলিয়ন মার্কিন ডলারের  
ফেডারেল বিনিয়োগ প্রদানের চূড়ান্ত প্রচেষ্টা: উদ্যোগটি স্টেটের শেষ 0.3% বাড়ি ও  
ব্যবসার লক্ষ্য নির্ধারণ করেছে*

*নিউ ইয়র্কের প্রায় পাঁচ মিলিয়ন অবস্থানের জন্য পরিষেবা ম্যাপ করা এবং নিশ্চিত  
করার দুই বছরের প্রক্রিয়া সম্পন্ন করেছে*

আবেদনের অনুরোধ [এখানে](#) রয়েছে, জমা দেওয়ার শেষ তারিখ 5 মে, 2025 রাত 11:59  
মিনিট ইস্টার্ন টাইম

গভর্নর Kathy Hochul (ক্যাথি হোকল) আজ প্রায়োরিটি, রিলায়েবল এবং অল্টারনেটিভ টেকনোলজি সলিউশন-এর জন্য ConnectALL ডেপ্লয়মেন্ট প্রোগ্রাম রিকোয়েস্ট ফর অ্যাপ্লিকেশনস (Request for Applications, RFA) চালু করার ঘোষণা দিয়েছেন, যা নিউ ইয়র্ক স্টেট জুড়ে অবশিষ্ট অসংযুক্ত এবং স্বল্প-পরিষেবিত স্থানগুলোতে সাশ্রয়ী, নির্ভরযোগ্য, উচ্চ-গতির ইন্টারনেট পরিষেবা সুরক্ষিত করার বছ-বছরের প্রক্রিয়ার একটি গুরুত্বপূর্ণ মাইলফলক। ConnectALL ঐতিহ্যবাহী ফাইবার অপটিক, কেবল, হাইব্রিড ফাইবার-কোম্বিওয়াল, এবং লাইসেন্সকৃত ফিক্সড ওয়্যারলেস ব্রডব্যান্ড পরিষেবা, এবং ফেডারেলভাবে মনোনীত বিকল্প প্রযুক্তি যেমন আনলাইসেন্সড ফিক্সড ওয়্যারলেস এবং লো আর্থ অরবিট স্যাটেলাইট পরিষেবা স্থাপনকারী প্রকল্পগুলোর জন্য 15 এপ্রিল থেকে 5 মে, 2025 পর্যন্ত আবেদন গ্রহণ করবে। আবেদনকারীরা [এখানে](#) আবেদনের জন্য অনুরোধ দেখতে এবং 5 মে, 2025 রাত 11:59 ইস্টার্ন টাইমের মধ্যে একটি প্রস্তাব জমা দিতে পারেন।

“আজ নিউ ইয়র্কের ডিজিটাল ভবিষ্যতের এক যুগান্তকারী মুহূর্ত, কারণ আমরা আমাদের ঐতিহাসিক ConnectALL ডেপ্লয়মেন্ট প্রোগ্রামের চূড়ান্ত আবেদন পর্ব শুরু করছি,” **গভর্নর Hochul (হোকল) বলেন।** “ব্রডব্যান্ড আর কোনো বিলাসিতা নয় — এটি শিক্ষা, স্বাস্থ্যসেবা, অর্থনৈতিক সুযোগ এবং দৈনন্দিন জীবনের জন্য অপরিহার্য অবকাঠামো। এই প্রোগ্রামের মাধ্যমে, আমরা এটা নিশ্চিত করছি যে প্রতিটি নিউ ইয়র্কার, তাদের জিপ কোড বা অর্থনৈতিক অবস্থা নির্বিশেষে, উচ্চ-গতির ইন্টারনেটের সুবিধা পাবে। উদ্ভাবনী প্রযুক্তি ব্যবহার করে

আমাদের সবচেয়ে দূরবর্তী কমিউনিটিগুলোতে পৌঁছে, আমরা একটি আরো ন্যায্য এবং সংযুক্ত এম্পায়ার স্টেট তৈরি করার আমাদের প্রতিশ্রুতি পূরণ করছি।”

**এম্পায়ার স্টেট ডেভেলপমেন্টের প্রেসিডেন্ট, CEO এবং কমিশনার Hope Knight (হোপ নাইট) বলেন,** “নিউ ইয়র্কে ডিজিটাল বিভাজন বন্ধ করতে উদ্ভাবনী পদ্ধতির এবং সরকার ও বেসরকারি খাতের মধ্যে শক্তিশালী অংশীদারিত্বের প্রয়োজন। এই RFA কৌশলগত পরিকল্পনা এবং বাস্তবায়নের বহু বছরের চূড়ান্ত পরিণতিস্বরূপ, যার লক্ষ্য হল নিউ ইয়র্কের সকল বাসিন্দার জন্য সাশ্রয়ী এবং নির্ভরযোগ্য ব্রডব্যান্ড পরিষেবা নিশ্চিত করা। প্রযুক্তিগত সমাধানের একটি বিস্তৃত পরিসর গ্রহণ করে, যার মধ্যে আমাদের সবচেয়ে দুর্গম অঞ্চলের জন্য বিকল্প বিকল্পও রয়েছে, আমরা ডিজিটাল যুগে কোনও সম্প্রদায়কে পিছনে না ফেলে যাওয়ার আমাদের অঙ্গীকার প্রদর্শন করছি।”

RFA অ্যাপ্লিকেশনের জন্য খোলা এবং প্রকল্প এলাকা ও যোগ্য স্থান সম্পর্কিত তথ্য [ConnectALL ওয়েবসাইটে](#) রয়েছে। যে সকল সংস্থা এখনও প্রাক-যোগ্যতা প্রক্রিয়া সম্পন্ন করেনি, যা জুন 2024 থেকে ফেব্রুয়ারী 2025 পর্যন্ত পরিচালিত হয়েছিল, তারা তাদের RFA প্রতিক্রিয়ার অংশ হিসেবে এই উপকরণগুলো জমা দেওয়ার জন্য একটি অতিরিক্ত সুযোগ পাবে।

ডিপ্লয়মেন্ট প্রোগ্রাম হল গভর্নরের ConnectALL ইনিশিয়েটিভের সেই অংশ যা বিশেষভাবে স্টেটের সেইসব অঞ্চলের ঠিকানাগুলোর উপর আলোকপাত করে যেখানে নির্ভরযোগ্য, উচ্চ-গতির ইন্টারনেট পরিষেবার কোনো বিকল্প নেই। প্রোগ্রামটি 2022 সালের ডিসেম্বরে ফেডারেল ব্রডব্যান্ড মানচিত্রের নির্ভুলতা উন্নত করার জন্য স্টেট ব্যাপী এক সমাবেশের মাধ্যমে চালু হয়েছিল। ConnectALL, কেন্দ্রীয়, কাউন্টি এবং স্থানীয় অংশীদারদের সাথে, ইতোমধ্যেই হাজার হাজার বাড়ি ও ব্যবসার জন্য পরিষেবা প্রদানের প্রতিশ্রুতি নিশ্চিত করেছে, যার ফলে ডেপ্লয়মেন্ট প্রোগ্রামটি স্টেটের প্রায় এক শতাংশ স্থানে মনোযোগ দিতে পেরেছে। আগেকার একটি RFA-এর পর, যা শুধুমাত্র ফাইবার অপটিক এবং অন্যান্য নির্ভরযোগ্য সমাধানের উপর দৃষ্টি নিবদ্ধ করেছিল, ConnectALL বর্তমানে সেই স্থানগুলোর অর্ধেকেরও বেশি পরিষেবা দেওয়ার জন্য প্রস্তাবগুলো পর্যালোচনা করছে। আজকে ঘোষিত অ্যাপ্লিকেশনগুলোর অনুরোধ প্রায় 20,000 বাড়ি এবং ব্যবসার উপর দৃষ্টি নিবদ্ধ করে যেগুলো এখনও প্রস্তাব পায়নি, অন্য কোনও প্রতিশ্রুতি নেই এবং বর্তমানে স্থল-ভিত্তিক ব্রডব্যান্ড প্রদানকারীর কাছ থেকে একটি স্ট্যান্ডার্ড ইনস্টলেশনের মাধ্যমে সংযুক্ত করা সম্ভব নয়।

ConnectALL সম্পূর্ণ 644 মিলিয়ন মার্কিন ডলারের ফেডারেল অনুদানের জন্য পরিকল্পিত পুরস্কারগুলো জনসাধারণের মন্তব্যের জন্য উপলভ্য করবে, যখন তারা যুক্তরাষ্ট্রীয় বাণিজ্য বিভাগের ন্যাশনাল টেলিকমিউনিকেশনস অ্যান্ড ইনফরমেশন অ্যাডমিনিস্ট্রেশন (National Telecommunications and Information Administration, NTIA)-এর কাছে ফেডারেলভাবে বাধ্যতামূলক 2025 সালের 25 জুলাইয়ের সময়সীমার মধ্যে অনুমোদনের জন্য জমা দেবে। NTIA-এর অনুমোদনের অপেক্ষায়, নির্বাচিত প্রকল্পগুলো 2025 সালে শুরু হওয়ার এবং চার বছরের মধ্যে সম্পন্ন হওয়ার আশা করা হচ্ছে।

**গভর্নর Hochul (হোকলের) ConnectALL উদ্যোগ**

আরো সমতার একটি নিউ ইয়র্ক তৈরির জন্য গভর্নর Hochul (হোকল) ব্রডব্যান্ড অ্যাক্সেস বাড়ানোকে তার অ্যাডমিনিস্ট্রেশনের চেপ্টাগুলির একটি কেন্দ্রীয় ভিত্তি করেছেন। স্টেটের ডিজিটাল ইনফ্রাস্ট্রাকচার বদলে দিতে, সেবাদানকারীদের মধ্যে প্রতিযোগিতা বাড়াতে, এবং প্রত্যেক নিউ ইয়র্কবাসীর কাছে নির্ভরযোগ্য, সাশ্রয়ী উচ্চগতির ইন্টারনেট অ্যাক্সেস আছে তা নিশ্চিত করতে নিউ ইয়র্ক স্টেট ConnectALL উদ্যোগের মাধ্যমে 1 বিলিয়ন মার্কিন ডলার বিনিয়োগ করছে। আজ পর্যন্ত, ConnectALL ব্রডব্যান্ড অ্যাক্সেসের অগ্রগতির জন্য বেশ কয়েকটি কর্মসূচির সফল প্রবর্তন ও বাস্তবায়ন করেছে, যার মধ্যে রয়েছে:

- ডিজিটাল বিভক্তি বন্ধ করার জন্য নিউ ইয়র্ক স্টেটের ডিজিটাল ইকুইটি প্ল্যান (Digital Equity Plan) বাস্তবায়ন করার জন্য [Digital Equity Program](#) 50 মিলিয়ন মার্কিন ডলার বিনিয়োগ করবে, যার মধ্যে আছে কমপক্ষে 37 মিলিয়ন মার্কিন ডলারের ফেডারেল বরাদ্দ। 24 মার্চ, ConnectALL ডিজিটাল ইকুইটি প্রোগ্রাম ক্যাপাসিটি গ্রান্ট রিকোয়েস্টের আবেদন গ্রহণ বন্ধ করেছে, যার মাধ্যমে ConnectALL ফেডারেল বরাদ্দের প্রায় 15.5 মিলিয়ন মার্কিন ডলার প্রদানের আশা করছে।
- [সাশ্রয়ী মূল্যের আবাসন সংযোগ কর্মসূচি \(Affordable Housing Connectivity Program\)](#) যা মার্কিন ট্রেজারি বিভাগের মূলধন প্রকল্প তহবিল থেকে অর্থ ব্যবহার করে, সাশ্রয়ী এবং সরকারি আবাসনগুলোতে নতুন ব্রডব্যান্ড অবকাঠামো স্থাপনের জন্য 100 মিলিয়ন মার্কিন ডলার পর্যন্ত অনুদান দেবে। এই কর্মসূচির অধীনে প্রথম অনুদান হিসেবে বাফেলো, নিউ ইয়র্ক সিটি এবং রচেস্টারের 14,000-এর বেশি দরিদ্র পরিবার মাসে 10 ডলারে ব্রডব্যান্ড এবং মাসে 30 ডলারে গিগাবিট ইন্টারনেট পরিষেবা পাবে। ইন্টারনেট সেবাদানকারী প্রতিষ্ঠানগুলোর কাছ থেকে আবেদন এবং বাড়িওয়ালা ও সরকারি আবাসন সংস্থাগুলোর আগ্রহের প্রকাশ গ্রহণ করার কার্যক্রম এখনও চালু আছে।
- [মিউনিসিপ্যাল অবকাঠামো কর্মসূচি \(Municipal Infrastructure Program\)](#) কোনও পাবলিক ইউটিলিটির মালিকানাধীন বা সরকারিভাবে নিয়ন্ত্রিত ব্রডব্যান্ড সম্প্রসারণ প্রকল্পে অর্থায়ন করবে। ConnectALL, 25 এপ্রিল, 2025 তারিখ পর্যন্ত 4র্থ পর্যায়ের আবেদন গ্রহণ করছে। এখন পর্যন্ত, ConnectALL প্রোগ্রামের মাধ্যমে 240 মিলিয়ন মার্কিন ডলারেরও বেশি অর্থায়ন করেছে, যা নিউ ইয়র্ক স্টেট জুড়ে 98,000 স্থানে পৌঁছানোর জন্য প্রায় 2,400 মাইল ব্রডব্যান্ড অবকাঠামো নির্মাণের জন্য অর্থায়ন করেছে। মিউনিসিপ্যাল অবকাঠামো কর্মসূচির প্রকল্পগুলো সম্পর্কে আরো তথ্যের জন্য [ConnectALL প্রোজেক্ট ড্যাশবোর্ড](#) দেখুন।
- [কানেক্টিভিটি ইনোভেশন কর্মসূচি \(Connectivity Innovation Program\)](#) বেসরকারি খাতের বিনিয়োগ এবং উদ্যোক্তা বৃদ্ধির জন্য উদ্ভাবন এবং নতুন ব্রডব্যান্ড সমাধান, ব্যবসায়িক মডেল এবং প্রযুক্তিগুলিকে এগিয়ে নিয়ে যায়; ব্রডব্যান্ড বাজারে ইকুইটি এবং উদ্ভাবন চালায়; এবং নিউ ইয়র্কে সংযোগ উদ্ভাবনকে সমর্থন করার জন্য একটি সমৃদ্ধ গবেষণা, উন্নয়ন এবং উৎপাদন বাস্তবায়নকে শক্তিশালী করে। ConnectALL কানেক্টিভিটি ইনোভেশন – মোবাইল সার্ভিস RFA-এর জন্য 2025 সালের 17 জুন পর্যন্ত আবেদন গ্রহণ করছে।

**স্টেট সিনেটর Kristen Gonzalez (ক্রিস্টেন গঞ্জালেজ) বলেন,** “সিনেটের ইন্টারনেট ও প্রযুক্তি কমিটির চেয়ারপারসন হিসেবে, ConnectALL ডেপ্লয়মেন্ট প্রোগ্রামের এই পরবর্তী ধাপের সূচনাকে সমর্থন করতে পেরে আমি গর্বিত। আমি গভর্নর Hochul (হোকল)-কে ধন্যবাদ জানাতে চাই, আমাদের স্টেটের প্রতিটি অংশে, প্রতিটি নিউ ইয়র্কবাসীর সাক্ষরীয় মূল্যের, উচ্চ-গতির ইন্টারনেট অ্যাক্সেস নিশ্চিত করার জন্য তার অবিরাম প্রতিশ্রুতির জন্য।”

**অ্যাসেম্বলিমেম্বর Steve Otis (স্টিভ ওটিস) বলেন,** “দুর্গম স্থানে পৌঁছানো নিউ ইয়র্কের সকল বাসিন্দাকে উচ্চ-গতির ব্রডব্যান্ড অ্যাক্সেস প্রদানে সবচেয়ে বড় চ্যালেঞ্জ তৈরি করে। এটি একটি উল্লেখযোগ্য আবেদনপত্র যা দুর্গম স্থানে এবং সুবিধাবঞ্চিত কমিউনিটিতে পৌঁছানোর জন্য উদ্ভাবনী এবং বিকল্প পদ্ধতির আমন্ত্রণ জানায়। গভর্নর Hochul (হোকল) এবং এম্পায়ার স্টেট ডেভেলপমেন্টের ConnectALL অফিস পরিস্থিতি অনুযায়ী বিভিন্ন পদ্ধতিকে উৎসাহিত করে ব্রডব্যান্ড সম্প্রসারণের প্রচেষ্টায় জাতীয় নেতা। এই ডেপ্লয়মেন্ট প্রোগ্রামটি আরেকটি উদাহরণ যে কেন নিউ ইয়র্কের প্রোগ্রামগুলো নতুন দিগন্ত উন্মোচন করে চলেছে।”

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418  
গভর্নরের অফিস থেকে আপডেট পেতে সাইন-আপ করুন: [ny.gov/signup](http://ny.gov/signup) | NEW YORK লিখে 81336 নম্বরে  
টেক্সট পাঠান

[আনসাবস্ক্রাইব করুন](#)